

Gustave Nouel a diseña moneda conmemorativo



ORANJESTAD (AAN): E artista Arubano, Gustave Nouel, kende cu su obranan di pintura ta purba di crea un brug entre e partinan di Reino, ta conoci tambe como un pintor hende ta laga su mes worde inspira pa Casa Real.

Principalmente den e tempo aki, e ta mira esey como un forma ideal pa cera lazo mas estrecho cu e paisnan den Reino.

Awor un moneda di conmemoracion na ocasion di 20 aña di Status Aparte di Aruba, a worde diseña door di Gustave Nouel tambe. La

Reina ta aparece tanto na e parti dilanti como e parti patras di e moneda.

E preparacionnan aworaki ta andando na Koninklijke Nederlandse Munt na Utrecht, despues cu el a pasa den e trayectoria usual na Aruba, tambe na Ministro Hulandes di Finanzas, y cu aprobacion final di La Reina.

Na comienzo di November, Nouel lo bin Aruba en conexion cu e bishita di La Reina, unda e moneda aki lo worde presenta oficialmente dia 7 di November door di La Reina na Banco Central.